

BOSNA I HERCEGOVINA
FEDERACIJA BOSNE I HERCEGOVINE
GRAD LUKAVAC
GRADONAČELNIK
SLUŽBA CIVILNE ZAŠTITE I ZAJEDNIČKIH POSLOVA

Broj: 08-04-1868/23
Lukavac, 05.06.2023. godine

Na osnovu člana 64. stav (1). tačka a), člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14 i 59/22) te Preporuke Komisije za provođenje postupka javne nabavke broj: 08-04-1868/23 od 23.05.2023. godine u konkurentnom postupku javne nabavke interventnih vatrogasnih odijela sa pratećom opremom pomoćnik Gradonačelnika Službe civilne zaštite i zajedničkih poslova d o n o s i

ODLUKU
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 08-04-1868/23 od 23.05.2023. godine i ugovor dodjeljuje se ponuđaču "TEVE VARNOST ELEKTRONIKA " d.o.o. Visoko ponuda broj: 046-BA/2023 od 05.05.2023. godine, za ponuđenu cijenu u vrijednosti od 44.995,00 KM bez PDV-a, kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-02-1845/23 od 28.04.2023. godine. Javna nabavka sprovedena je konkurentni postupkom nabavke. Procjenjena vrijednost javne nabavke bez PDV-a je 45.000,00 KM.

Obavještenje o nabavci broj: 719-7-1-28-3-62/23 objavljeno je na Portalu javnih nabavki dana 03.05.2023. godine.

Komisija za provođenje postupka nabavke imenovana Rješenjem broj: 02-04-1945/23 od 08.05.2023. godine i Rješenjem o izmjeni broj: 02-04-1945-1/23 od 15.05.2023. godine dostavila je ugovornom organu-pomoćniku Gradonačelnika Službe civilne zaštite i zajedničkih poslova Zapisnik o pregledu i ocjeni ponuda broj: 08-04-1868/23 od 23.05.2023. godine, Preporuku o izboru najpovoljnijeg ponuđača broj: 08-04-1868/23 od 23.05.2023. godine i Izvještaj o radu broj: 08-04-1868/23 od 23.05.2023. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna ponuda, a da neblagovoremenih ponuda nije bilo;
- da je ponuda ponuđača "TEVE VARNOST ELEKTRONIKA " d.o.o. Visoko kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su-cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 45.000,00 KM i da je kriterij za dodjelu ugovora **ekonomski najpovoljnija ponuda u skladu sa sljedećim potkriterijima:**

- a) Cijena98 % i
- b) Rok plaćanja 2 %.

Ponuđač "TEVE VARNOST ELEKTRONIKA " d.o.o. Visoko dostavio je prihvatljivu ponudu sa cijenom od 44.995,00 KM bez PDV-a i rokom plaćanja 30 (trideset) dana koja je u odnosu na kriterij za dodjelu ugovora ocijenjena kao najpovoljnija.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Grad Lukavac-Služba civilne zaštite i zajedničkih poslova, Trg Slobode 1, 75300 Lukavac. Žalba se podnosi u najmanje tri primjerka.



POMOĆNIK GRADONAČELNIKA
ZA SLUŽBU CIVILNE ZAŠTITE I ZAJEDNIČKIH POSLOVA
(ovlaštenje broj: 02-30-98/22 od 07.03.2022. godine)
Edin Hamzić, dipl.ing.

Dostaviti:

- 1. "TEVE VARNOST ELEKTRONIKA " d.o.o. Visoko i
- 2. Arhivi.-